

Երկրի արքայութեան վերայ հայ—քրիստոնէին
մտածելն անգամ մեղք է:

Միսիօնարներն տարածած այդ երկնային գլու-
քերը քրքրելիս, աչքս ընկաւ մի երկրային
գրքի. «Դաւիթ-Բէկի» վերայ. ուզում էի աչ-
քերիս չը հաւատալ: Բայց նա էր:

«Որտեղից էք ճարել այս գիրքը» հարցրի:

— «Քրդերից», պատասխանեցին:

«Քրդերից», այս անգամ էլ ականջիս չէի
ուզում հաւատալ: «Ի՞նչպէս թէ քրդերից»:

— «Այո, քրդերից, այստեղ ի՞նչ վարմա-
նալու բան կայ», ասում էր տանուտէրը: Քըր-
դերը անցեալ օրեր հինգ օրինակ բազար բերե-
լով հատը հինգ կոպէկով ծախեցին:

Զը լինի թէ, մտածում էի, քրդերն էլ հոգս
են տանում մեր վիճակի վերայ և արդէն սկսել
են հայերի մէջ պրօպագանդ անել, ընթերցա-
նութիւն տարածել: Կեցցեն քրդեր, ուղղու-
թիւնը վատ չէ, նոցա տարածածը երկրի թա-
գաւորութեանն է վերաբերում, արժան է. այդ-
պիսով նրանք միսիօնարներից երևի կը խլեն
յաղթութեան մրցանակը:

«Բայց քրդերը որտեղից են գտել», կրկնեցի:

— «Դա շատ պարզ է», ասելացրեց տանու-
տէրը: Քրդերը կողոպտած կը լինեն մի հայի,
վեր առած կը լինեն նորա փողերը ու շորերը, որ